



UNIVERSITÄTS-
BIBLIOTHEK
PADERBORN

Universitätsbibliothek Paderborn

**B. Haymonis, Episcopi Ante DCCC. Circiter Annos
Halberstadensis, Historiae Ecclesiasticae, Sive De Rervm
Christianarvm Memoria, Libri X**

Haimo <Halberstadensis>

Helmestadi[i], 1671

Cap. XX. Paßio Polycarpi, discipuli Ioannis Evangelistae.

urn:nbn:de:hbz:466:1-10968

C A P. XIX.

De Polycarpo insigni martyre.

Eo tempore *Polycarpus* ordinatus & eruditus ab Apostolis, Smyrnæorum Episcopus, longæva & innocentia vita venerabilis, pergit Romam, & corruptos per *Valentinianum* & *Cerdonem* ab hæretica labe castigat. Traditur eleganter narrasse de Ioanne Apostolo, quod cum apud Ephesum, lavandi gratia, balneum esset ingressus, & vidisset ibi Cerinthum; exiverit continuo non locutus, dicens: *fugiamus hinc, ne & balneæ ipsæ corruant, in quibus lavatur Cerinthus, veritatis inimicus.* Extant hujus præclara quædam opuscula, & Epistola ejus ad Philippenses, prævalida continens fidei monita & salutis. Hic autem post Antoninum *Pium*, imperante *Marco Aurelio Vero*, & *Antonino* filio ejus, cum *Lucio* fratre, vitam finivit martyrio.

C A P. XX.

Passio Polycarpi, discipuli Ioannis Evangelistæ.

Dignus est autem hic perpetua ecclesiæ commemoratione donari, celeberrima passione resolutus; quem in hoc nostro compendio, licet curtatis sermonibus, ob insigne ejus meritum, ob ipsius patrocinii suffragium, curavimus annotare. Hic ergo ante triduum, quam comprehenderetur, videt nocturna visione capitis sui cervical igne consumi, evigilansque fratribus sic interpretatur visionem, se pro Christo esse arsurum. Nec multo post insiliunt ejus com-

F

pre.

prehensores. Ad quos placido vultu progrediens, apponi mensam hostibus, quasi hospitibus jubet, & large epulas ministrari, impetrata per horæ spatiū oratione. Deinde asino sedens, ducitur ad tribunal. Cumque ingressus fuisset, audit vocem de cœlo: *Fortis esto Polycarpe.* Commonitus ergo à Proconsule multis sermonibus, ut habens ætatis suæ reverentiam juret per Fortunam Cæsarī, & dicat in Christum convitia: elegantī voce, & vere digna discipulo Ioannis, respondit: *Octuaginta, inquit, & sex annis servio ei, & nunquam me lexit, quomodo possum maledicere & blasphemare Regem meum, qui dedit mihi salutem?* Non facio. Comminante Iudice bestiarum immisiones, constanter ait; adhibeantur. Comminante quoque ignes; secure, inquit, adhibe. Tunc populis Smyrnæ civitatis, tam Iudæorum quam gentilium, conclamantibus: *Vivus ardeat:* destinatur ad ignem. Quo extructo, depositis senior indumentis, ac Zona resoluta, calceamenta quoque pedibus tentat educere; quæ nunquam nisi à religiosis, feme tipsum prævenientibus, resolvi consueverant. Sic namque ab omnibus venerabiliter colebatur. Exinde remissis manibus post tergum traditur igni. Sed cum, facto divinitus miraculo, non posset igne consumi, tandem à lictoribus mucrone transfoditur. Oblatus est Deo, tam victima, quam holocaustum, in odorem suavitatis.

CAP.